

**Təntən sagı tə,
Piyerə
nə púpúní
Piyerə təntən sagı tə yuu wa
sugv**

Lìu tə, v nə púpúní sagı kv tə
Sagı kv tə yı *tuntunu Piyerə nə púpúní kv.

Lìa tə nə, v nə púpúní
Piyerə púpúní v sagı tə v pa *Kərisə lìa tə nə,
ba nə wulə luv tə mama wa. Silasə də san wá
kv púpúnú wa.

Sagı tə wa sugv
Nəjə kv tə yırı, v nə púpúní ba nə: *Kərisə
lìa tə wulə càn wa, ba nə ken ba waa Zwezi nə
tə yırı. Ba vànà wulə tə gwàrì.

Piyerə púpúní ba nə, sə v ma dən ba jìàn ba
nə ken ba waa Zwezi nə tə yırı, də yala tə yırı,
ba nə jə də wá. U swìn ba con, sə ba twá Yu
cwəjə tə nə zəni, də pùé nədv.

Təntən jònà bwáí

¹ À mù Piyerə yı Zwezi-*Kərisə *tuntunu. À mù
nə púpúní sagı kv tə, à pın á mù lìa tə nə, Yu nə
kúrí. Á dəri á zv Pon, də Galasi, də Kapadəsə,
də Azi, də Bitini nagwanεε tə wa. Á jigə vərə tə
bwáí təntə wa. ² Á yı nə nyına Yu nə kúrí aba,
v tún vàn nə, kv nə ba yigə, ndə v nə tanı kv, sə

biri v tìàn, v nan á yíá yuu. ⁸ Á wà Zwezi ni, yá á ga swə wá. Á ba wá na síún nə, yá á tə kəni á waa v nə wuuu. Kú mù nə pɪn, á sú də pupwən nəfarv. Kú pupwən təntə dwə kú tə, liù nə wáá v swìn də v nii. ⁹ Á keni á waa Zwezi nə wuuu. Kú ɲwírán nə yɪ, Yɪ nə jon aba, v kə mi tə wa, kú nə ba zwèe v con.

¹⁰ Máná don wa, Yɪ nii *sùsùnà ken diàn, sə ba lwarɪ kú tə nə yɪ, Yɪ jon ba v kə mi wa, kú nə ba zwèe v con. Ba dí yáá ba swìn Yɪ pubwanv tə yoo, v nə tanɪ, sə v fwa á yɪra. ¹¹ Yɪ-*Siɲu tə yà wulə də ba. Yá kú mù nə swìn tə yìèn tə ba con. Ba yà ken cígá, sə ba lwarɪ máná tə də won tə nə, Kərisə càn tə də v dun, tə nə wá twá, tə ma bà. ¹² Yɪ-Siɲu tə gwin tə yìèn təntə dèñ, kú biri ba. Yá tə yìèn təntə yà tà ba mù nə wá na tə ba yíá wa. Yá kú lwan, kú yɪ á mù yɪrɪ. Síún nə, lià tə, ba nə swìn sɔywánú tə, dàñ swìn tə yìèn təntə, ba biri aba. Ba swìn tə də Yɪ-Siɲu tə, v nə tun tə, diàn. Yá Yɪ *malike tə tətə yà sóní, sə tə də yəni tə yìèn təntə.

Yìèn tə Kərisə liù nə mɛ, sə v fwa

(1 Tesalonikə tiàn 5.8-9; Efɛzə tiàn 5.1; 1 Korəntə tiàn 6.20; Titə 2.11-14)

¹³ Kú nətv tə yɪrɪ, á kənə á pubɔɲa bwálí nədv, sə á va yáá. Á pɪan á ya lià tə, á nə yèé yoo dèñ. Á kənə á yala mama, Yɪ pubwanv tə nə. Máná tə, Zwezi-*Kərisə nə wá pìí v bà, v biri v tìàn á yíá yuu, v wá fwa v pubwanv təntə á yɪra. ¹⁴ Máná don yɪn lá, á yà yèrɪ Zwezi-Kərisə, á ga twá á pùé yokokwɪnan fɪra nə. Á kùd dàn ká pìí

á twá tø nø. Síún nø, á dàń yana ndø bisíná nø, ba nø sèe nii. ¹⁵ Yıı dàń kúrí aba, v ga yıı bıcapon tíú. Á dø mε, sø á jı bıcapon tıán, ndø Yıı nø, á tötünan mama wa. ¹⁶ Kú púpúnı Yıı sagı tø wa, kú wó: «Á yana là tø, á nø yıı bıcapon tıán, ndø à mù Yıı nø ya bıcapon tíú».

¹⁷ Á yıjıı wa, á yàá boŋø Yıı á nyına. U mù nø yıı liù tø, v nø ba liù kúrí, v ma bürı kú tíú bürà, kú tø yıı, v nø fwa. Máná tø wa, á nø wulø tia yuu wa, á dàń mε, sø á zılı wá zenzøn. ¹⁸ Kú yıı cígá, á tün tötünkükwınan tø, á nyına-ba nø ma kwè aba. Tø yìèn tøntø yà ba døn jø. Á yèé, Yıı ŋwín ŋwírán nøfarv, v ma yè aba v jon, tø yìèn tøntø yıı. Kú tø, v nø ŋwín, kú tà ndø sèbiu nø, kú nø wàá kú cùgà. Kú tø, v nø ŋwín, yıı kú cıı. ¹⁹ U pın Zwezi-Kørisø yıı ndø *pabiø nø, ba nø gva, ba ma fwa *jonı. Cuna yà tèlé v yuu wa, v ga ba durøn jø. Yá kú yıı Zwezi-Kørisø jana tø, tø nø jø funø zenzøn, Yıı ma yè aba v jon. ²⁰ Yıı yà dí yáá v kúrí Zwezi-Kørisø, v tün kú yıı, dø luv tø wà fwa. Kú kwa nø, v bıı wá aba luv zanı máná tø nø, á mù zøni yıı. ²¹ Kú twá Zwezi-Kørisø nø, á ma kø á waa Yıı nø. Yıı pıı v bwin wá v lı tıan wa, v ga pa wá dun. Kú mù yıı, á keni á waa v nø wuuu, á ga jø yala dø wá.

²² Á sèe á twá Yıı svgv tø nii nø, kú nø yıı cígá. Kú pın á bıcanı yıı nøpon á ga swø là tø, ba nø yıı Kørisø là tø, dø cígá cígá sonu. Á dàń swın á con, sø á sónı duøn zenzøn máná mama dø bıcan nøpon. ²³ Á yèé dø, Yıı twá v svgv tø nø,

υ ma pa aba mu nədun. Ku sugu tə wulə wuuu, ku ba zwèe mama. Ku wà twá də ləzwənə tə, υ nə wàá υ ti, υ ma pa aba mu təntə. ²⁴ Ku púpúní Yü sagi tə wa, ku wú:

«Ləzoni tə mama yi ndə gau nə, ba dun də me yi ndə wopunə nə. Gau yàá ku, ku punə tə ga twi tia. ²⁵ Yá *Yuu-Tiu sugu tə mù dān wulə wuuu, ku ba zwèe».

Ku mù sugu təntə nə yi Yü sbywánú tə, ba nə swìn ba biri aba.

2

¹ Ku mù yiri, á lia á tìàn wulənu, də gıgıra yiri mama wa. Á dānà ká ya níé bələ tìàn. Á dānà ká zıga là duən nə, ku tìàn wiən yiri. Á dānà ká swìn yolwan á pa là nə. ² Á yana ndə bisìní nə, ba nə luri síún, ba ga pìà yılı mánjá mama. Á mù yılı nə yi Yü sugu tə. Ku yi yılı tə, won nə wà ku waa gúlí. Ku mù nə wá pa á boru, ku ga wá pa Yü jon aba, á cuna tə wa. ³ Á cígá ni də, *Yuu-Tiu ywán zəni, ndə ku nə swìn nətu, Yü sagi tə wa.

*Zwezi yi ndə diè nigwancıun wárí nə
(Efszə tìàn 2.20-22; Tıtvonan 4.11-12; Matıə 21.42-44; Romə tìàn 9.24-26)*

⁴ Á dān fārá á yí *Yuu-Tiu yıra. U yi liù tə, υ pın mu. U yi ndə kapan wárí nə. Ləzoni vıga wá ba dugu, ndə wotutu nə. Yá Yü kúrí wá υ tún, υ ga jə funə zənzən, υ mù Yü yáá con. ⁵ Á də yana ndə kapana tə nə, tə nə nəñə, sə Yü tì aba, υ ma lwà diè, υ pa υ *Sıju tə nə. Ku twá də

Zwezi-**Kərisə*, á dàń wá ya ʋ mù cɪcɪ **jonwana* ku diè tə wa, sə á twá Yɪ-Sɪŋu tə á tɔn á pa Yɪ nə, ndə **jonɪ* nə á pɪn wá. Yá ku nətv tə poli Yɪ pùó. ⁶ Ku púpúní Yɪ sagɪ tə wa, ku wú:

«Á nəŋə, à tún kapan tɪv tə wa, ba nə boŋə <Siyon* >, sə à lwà à diè ku yuu wa. Ku yɪ diè tə nigwancɪn wárí. À kúrí ku, ku ga jə funə zənzən à yáá con. Yá liù tə, ʋ nə ken ʋ waa ku kapan təntə nə, ʋ bá dɔ cavɪra mama».

⁷ Á mù lià tə, á nə ken á waa ku nə, ku yɪ won tə, ku nə pɪn á jə dun zənzən. Yá ku tà nətv lià tə con, ba nə wà ba waa ken ku nə. Ku púpúní Yɪ sagɪ tə wa, ku wú:

«Ku mù kapan təntə, dəlwərə tə nə vɪga ba dɔgv vàn nə, ku mù nə pií ku jì diè tə nigwancɪn wárí, ku yoo nə cà. Ku jigə kapan, lià mà ba nəe ku nə, ba twɪ».

Ku kúv púpúní Yɪ sagɪ tə wa, ku wú:

«Ku mù kapan təntə pɪn, lià dɔga cwəŋə ba jén».

⁸ Ku yɪ ba nə wà Yɪ sugv tə nii sèe yɪrɪ. Yɪ nə ken, sə ku ya nətv ba yɪra.

⁹ Yá á mù dàń yɪ dwíí tə, Yɪ nə kúrí. Á yɪ **jonwana* púlí tə, á nə tɔŋa á pɪn ʋ mù piú tə nə. Á dwíí tə ya Yɪ cɪcɪ nə tɪ. Á yɪ Yɪ tətə púlí ʋ nə tún. ʋ kúrí aba, sə á swɪn yìèn nəfaran tə, ʋ nə fwa, á bɪrɪ lià nə. ʋ yɪ liù tə, ʋ kúrí aba, ʋ lɪ yikunu wa, ʋ kə ʋ poni nəfarv tə wa. ¹⁰ Dí yáá nə, á yà tà Yɪ púlí, ʋ nə tún. Yá síún nə, á dàń yɪ Yɪ nə tɪ. Dí yáá nə, Yɪ yà wà á yinəgə

* **2:6** 2.6 Siyon yɪ paan tə, **Zwerizalemə* nə lwè ku yuu wa, yɪrɪ nədwan.

zənzən dəri. Yá síún nə, Yü dān dəri á yinəgə zənzən.

*Kərisə là nə mə, sə ba ya nətv
(Romə tìán 13.1-8)*

¹¹ Á nubisoni-ba, á lie á tìán də, á yí vərə tia yuu wa. Yá á ga yí là tə, á nə ɛ. Kú mù tə yí, à dān kwè aba, sə á lı á tìán yìèn tə wa, tə nə yí ləzwənə pùé yokukwınan fıra. Tə yìèn təntə yáá kəni diàn, sə tə cùgù aba. ¹² Á pıan á tütüne mama ya zəni, là tə nə tà Kərisə là yáá con. Á nə jə á tìán zəni, ba nə swə ba swın də á fwa lwanı, ba wá na á tütünzəğə tə, á nə tıɣa. Yá ba dān wá bu Yü nə, dıın tə nə, v nə wá bà.

¹³ Á tàà *Yuu-Tiu yí, á sèe là tə mama nii, ləzoni nə lı ba tún, sə ba ya á yun tìán. Á siá pìú tə nii, v nə jèé á luv nii pèegá tə mə yuu wa. ¹⁴ Á siá yáá tìán tə nii, pìú nəfarv tə nə lı v tún. U yí v tún ba, sə ba kə là tə, ba nə fwa kú tə nə lwara, càn wa. Yá ba ga bu là tə nə, ba nə fwa kú tə nə ziən. ¹⁵ Yü fıra tə yí, sə á fwa kú tə nə ziən, sə ləyərən tə, də là tə, ba nə ba yənu jə, ba ga cəgə aba, pú ba níé. ¹⁶ Á yana là tə, á nə tı á tìán, Yá á dānà ká tàà á nə tı á tìán tə yí, á fwa lwanı liù yıra. Á dān mə, sə á ya ndə nətv Yü tütùnə nə mə, sə ba ya. ¹⁷ Á pıan dun liù mama nə. Á şwéné á duən Kərisə là tə. Á zilé Yü zənzən. Á pıan dun pìú tə nə.

*Á díé càn ndə Kərisə nə
(Efəzə tìán 6.5-8; Titə 2.9-10; 1 Piyerə 3.14-18)*

18 Ywəŋə-ba, á sià lià tə nii, ba nə yè aba. Á zilé ba zənzən. Á dànà ká fwa ku, ba tə cɪcɪ yɪra, ba nə jə aba də bɪcabwanv. Á fwa ku ba tə də yɪra, ba yoo nə dà. 19 Liù wàá càn v dé, v nə zilí Yɪ yɪrɪ, v ga wà won fwa, ku nə ba ziən. Ku tíú nə sèe, v dé tə càn tə, ku yɪ Yɪ pubwanv. 20 Ba nə firɪ aba á yolwana yɪrɪ, á nə fwa, ku ba dun jə ku pa aba. Yá ku dàn nə yɪ zəni nə, á fwa, ba ga kə càn á nə, yá á píní á dé tə, ku yɪ Yɪ pubwanv. 21 Zwezi-*Kərisə tətə nə dí càn, v pa aba. U fwa ku nyɪnyɪga, v bɪrɪ aba, sə á ma wàní á fwa, ndə v nə. Yɪ kúrí aba, sə á dé càn nətɔ. 22 U yɪ liù tə, v nə wà cuna fwa. U ga yɪ liù tə, kunkun nə wà v nii wa nan. 23 Ba nə twɪn wá, v wà ba twɪn, v ma ŋwín. Ba ken wá càn wa, v wà ba nii nə ba. U tì v tiàn, v kə Yɪ jìàn wa. Yá Yɪ nə b̀̀r̀̀r̀̀r̀̀, ku nə yɪ cígá. 24 Zwezi-Kərisə tətə nə zɪn nə cuna tə v yuu wa, v ja tɪ dagarv tə yuu wa. U fwa ku, sə nə ya lià tə, nə nə lɪ nə tiàn cuna wa. U fwa ku, sə nə ya mɪ wa, nə ga fwa yìèn tə, tə nə yɪ cígá. Ku twá v nɔran tə nə, á nɔran tə ma zwèe. 25 Cígá, á yà yɪ ndə pee nə, tə ywanɔ. Yá síún nə, á píí á bà á twá liù tə nə, v nə cì á nə, v ga ywàŋá á yuu.

3

*Kan də v barɪ nə mɛ, sə ba ya nətɔ duən nə
(Kolosə tiàn 3.18-19; 1 Timote 2.9-15; Efɛzə
tiàn 5.22-23)*

¹ Síún nə, á m̀̀ kana-ba də con, á liù mama mɛ, sə v sèe v barɪ nii. Á nə fwa nətɔ, á nə swə á wà yoo swìn ba con, á bana tə duən, nə wà ba

waa ken Zwezi nə, ba wá twá ku nə, ba sèe wá. ² Ba wá na də, á yí là tə, á bɪcanɪ nə yí nəpwənə á tɔtɔnɛɛ mama wa, á ga jə zìlɛ də. Ku mù nə pɪn, ba wá sèe Zwezi. ³ Kana vwe ba yun, sə tə ya zəni. Ba kəni síán zanan ba bɪan nə, yá ba ga zwɪ ganzəŋə. Yá á mù, á dànà ká pa tə wiən təntə, ba nə na yíá wa, ya á bwanja wiən. ⁴ Ku tə nə mɛ, á yana là tə, á nə jə bɪcabwanɔ, á ga yí sənɔwɛn. Ku nətɔ dān wá bɪrɪ də, á bwanja tə yí ku wulə á waa con. Ku mù bwanja təntə yiri ba zwèe. Yá ku bwanja təntə ga jə funə zənzən, Yɪ yáá con. ⁵ Mə fuən kana tə, ba nə yí Yɪ cɪcɪ nə tɪ, ba nə jə yala Yɪ con, bwanja yá yí nətɔ. Yá ba ga sèe ba bana nii. ⁶ Mə nətɔ nə *Abərahame kan Sara yá yɪn. U yá sèe ɔ barɪ nii, ɔ ga boŋə wá ɔ <yuu tíú>. Á də jigə ndə Sara, də á nə fwa zəni ndə ɔ nə, á ga wà sèe, á pa fən yiri mama zɔ aba.

⁷ Síún nə, á də kanbana-ba, á liù mama mɛ, sə ɔ ja ɔ kan zəni. Á mɛ, sə á lwarɪ də, kana tə bwànà, ba doni aba. Yɪ pɪn mu tə, ku nə ba zwèe ɔ con, á mù də ba mù mɛ nə. Ku twá də ɔ pubwanɔ tə. Ku mù nə pɪn, á dān zìlɛ ba ku nətɔ tə yɪrɪ. Á nə fwa nətɔ, won wàrɪ á yɪjɔnɪ yáá nə ku cì, sə Yɪ ba le.

Ka fwa zəni yoo

(Romə tìán 12.14-21; Matìə 10.24-31; 1 Piyerə 2.12, 19-20)

⁸ Sə à ma gúrí, à swìn yìèn tə tə á con: Á pɪan, á mama ja pubɔŋa nədɔ. Á pɪan, á yojanɔ ya nədɔ. Á swéné á duən *Kərisə là tə. Á dərə

duen yinogə. Á muŋə á tiàn duen yáá con. ⁹ Liù nə fwa aba lwanı, á dànà ká fwa ku tíú lwanı, á ma ŋwín. Liù nə twın aba, á dànà ká twın ku tíú, á ma ŋwín. Yá á dàń me, sə á lòrì Yuı, sə ɔ fwa zəni ku tíú yuu wa. Yuı kúrí aba, sə á na zəni tə, ɔ nə wá fwa á yıra. ¹⁰ Ku púpúní Yuı sagı tə wa, ku wó:

«Liù nə pià, sə ɔ ya lɔɔ wa zəni də pupwən, ku tíú dàn ká swın səkəkwinan ɔ nii wa. Ʋ me, sə ɔ cı ɔ tiàn nə, ɔ dàn ká kɔna kunkun də. ¹¹ Ku tíú me, sə ɔ li ɔ tiàn yoo tə wa, ku nə lwara. Ʋ dàń me, sə ɔ fwa ku tə nə zien, ɔ ga pià bıcan sié də ɔ yaŋwıa mama. ¹² *Yuu-Tiu ywàŋá lià tə mama yuu, ba nə yı cígá tiàn. Máná tə, ba nə jònì wá, ɔ yáá cɔga ba yıjɔnı. Yá Yuu-Tiu dàń zıga lià tə nə, ba nə fwa ku tə nə lwara».

¹³ Wàà dàń nə wá fwa aba lwanı, də á nə ken á yawala mama lá, sə á fwa ku tə nə zien? ¹⁴ Yá á nə swə, á na càn cígá tə yırı, á me, sə á ya pupwən wa. Á dànà ká dəri ləzoni fən. Á dànà ká pa ku yoo yì aba. ¹⁵ Ku tə nə mɛe, á pıan dun Kərisə nə, á waa con. Ʋ mù nə ya á Yuu-Tiu. Á kənə á sírí máná mama, sə á wàní á le lià tə mama, ba nə bwe aba, á yala tə yuu wa, á nə jə də Zwezi-Kərisə. Á fwa ku yoo tə də bıcabwanı, sə á ja zilé zənzən. ¹⁶ Á pıan, á pubɔŋa ya pubɔnzəŋu. Ku nətı wá pa cavıra ja lià tə, ba nə swın ba zıga á nə, ba twın aba, á tɔtɔnɛ mama nə zien Zwezi-Kərisə cwəŋə tə wa yırı. ¹⁷ Á nə dí càn, á nə fwa zəni yırı, ku ga

yi Yu fira, ku ziən ku doni, á nə dí càn, lwanu yiri, á nə fwa.

(1 Piyerə 2.21-24; Ebərə-ba 11.7; Romə tián 6.3-4)

¹⁸ Cígá, Zwezi-Kərisə tətə tıga nə cuna tə yiri, naa nədu. U m̀̀ l̀̀ t̀̀, v nə yi cígá tíú, v tıga là tə yiri, ba nə tıŋa kunkun yìèn. U fwa ku tə, sə v ma van aba, v pa Yu nə. Ba li v mu luv wa, yá Yu-Sıŋu tə pın, v pıi v bwin v nan. ¹⁹ Yu-Sıŋu tə dän pın, v va v swın Yu sugv tə là tə con, ba nə wulə tıga bwálí nə bán diè wa. ²⁰ Ba m̀̀ là təntə yi là tə, ba nə vıga, sə ba zilí Yu nii fuən fuən, máná tə wa, Yu nə fwa pínú də ba.

Mə ku máná tə wa, Nowe yà wulə v fwa níá yuu bori tə. Là wà dání yın, ba nə zva níá yuu bori təntə wa. Là nana cıci nə jon ba tián níá tə, máná wa. ²¹ Ku yoo təntə nə yi, ba nə ləgə aba níá tə wa, ku twá də Yu yiri tə, nyınyıga. Ku m̀̀ dän nə jonə aba síún nə á cuna tə wa. Ku m̀̀ níá swıv təntə, ba nə fwa aba, tà, sə ku sın á yıra durən. Ku níá swıv tə yi l̀̀r̀̀ t̀̀, á nə l̀̀r̀̀ Yu con, sə v pa á pubıŋa ya pubınzəŋu. Ku níá swıv tə jonə aba á cuna wa. Ku nətı twá də Zwezi-Kərisə v nə pıi v bwin, v nan tıan wa. ²² Zwezi-Kərisə dıgà Yu sán, v jèó Yu jızən* vàn nə. Yu dí yáá, v pa *malıke tə də wiən tə mama nə jə dıàn, sèe Zwezi-Kərisə nii.

4

* 3:22 3.22 Ka jèń pıı jızən vàn nə yi dun bwálí.

*Á fwa kv tə, nə yɪ Yɪ fira
(Romə tián 6.6-13; Efezə tián 4.17-24)*

¹ Nə yə́ə də, *Kərisə dí càn v yira tə wa. Ku mù yiri, á də mə, sə á ya lià tə, á nə ken á sírí, sə á də dé càn, ndə v nə. Liù tə, v nə dí càn v yira tə wa nətu, ku tíú də v cuna pwèe duən nə. ² Ku tíú dàń ya liù tə, v nə kùb ba ləzoni pùé yokukwɪnan fira nə twá. Yá dian tə, ku tíú mu nə ga, sə v fwa luv wa, v dàń yɪ liù tə, v nə twá Yɪ fira nə. ³ Á dí yáá, á cùgù á máńá ku nə dáá, á ma fwa yìèn tə, lià tə, ba nə yèrì Zwezi-Kərisə nə, fwa. Á dàń yaga tə yìèn təntə. Dí yáá nə, á yà ba á tián janɪ yìèn tə wa. Á yà twá á pùé yokukwɪnan fira nə. Á yà nywìn swana á bubunɪ, də á dé wodirən zənzən, á ja lɛ, də á tɔŋa cavɪyən, tə nə lwara zənzən. Á yáá jèń duən nə, á nywìn swana zənzən. Yá á dàń bwi woŋwanan tə nə, ku ga yɪ yoo tə, Yɪ nə culi cígá cígá. ⁴ Síún nə, á kùb ba sèe á twá lià tə, ba nə yèrì Zwezi-Kərisə tə, á fwa ba yokukwɪnan tə, sə á pəni duən vɛɛ vɛɛ. Yá ku dàń gwárí ba. Ku mù nə pɪn, ba dé tɪjaŋa á dèń nə. ⁵ Ba wá tún ba níé Yɪ yáá con. U mù nə yɪ liù tə, v ken v sírí, sə v bùrì lià tə, ba wulə luv wa, də ba tə ba tɪga, bùrà. ⁶ Ku mù nə pɪn, ba dàń swìn Yɪ sɔywanjú tə, ba biri tɪga tə nə, də ba tə wà tɪ, yà Yɪ nə swə v bùrì ba bùrà, ku tə yiri, ba nə fwa, máńá tə wa, ba nə yɪn luv wa, ba dàń wá bà ba ya mu wa də Yɪ.

*Á tɔŋa zəni də tarpɪvɪn, Yɪ nə pɪn aba
(Likə 21.34-36; Galasi tián 6.10; Romə tián*

12.5-11)

⁷ Luu wiæn tæ mama mánǵá bwælə, sə tæ zwèe. Ku me, sə á ya lià tæ, á nə buŋa zəni, á ga yəθ yoo dèñ, sə á wàní á juŋ Yu zəni. ⁸ Sonu yáá pa, ba swèéé liù cɔna kapupu. Ku mù yiri, yoo tæ nə wulə tæ mama yuu wa, ku mù nə yi, sə á sóní duæn, mánǵá mama. ⁹ Á jonə vərə tæ, ba nə yi *Kərisə lià duæn, ba nə twi á con, á pa ba zuri á diè wa zəni. Á dənà ká fwa ku də ŋuŋwian. ¹⁰ Á liù mama me, sə v ya liù tæ, v nə ziga diàn, v ga ywàŋǵá Yu tarpɔn tæ yuu zəni. U me, sə v ti tarpɔn yiri tæ, Yu nə pin wá, v ma san lià duæn tæ nə. ¹¹ Liù tæ, v nə swìn Yu sɔgu tæ, ku tíú me, sə v swìn ku tæ, Yu nə ken v nii wa. Liù tæ, v nə tuŋa, v pin v duæn nə, sə ku tíú tæ tuŋ də diàn tæ, Yu nə pin wá. Á fwa nətɔ, sə dun tæ mama wàní tæ twá Zwezi-Kərisə nə, tæ ya Yu nyiæn. U mù Yu tæ nə ti dun də diàn mánǵá də mánǵá, ku nə ba zwe. Amɔna!

Kərisə lià càn tæ yoo

(*Matie 5.10-12; Tɔtɔnan 5.41; 14.22; 2 Tesalonikə tiàn 1.4-12*)

¹² À nubisoni-ba, á wulə càn wa, ndə ba ken aba mæn wa. Á dənà ká pa ku di á yuu, ndə yoo tæ nə, ku nə yi yovee. Mə ku wá twá nətɔ, ba ma lwarɔ də, á ken á waa Zwezi-*Kərisə nə. ¹³ Ku tæ nə me, á yana pupwæn wa, á də nə wulə á dé Zwezi-Kərisə càn tæ yiri. Á nə dǵ tæ càn təntə, mánǵá tæ wa, v nə wá pií, v bà biri v tiàn v dun tæ wa, ku wá pa á sú də v pupwæn tæ.

14 Ba nə twɪn aba, á nə yɪ Zwezi-Kərisə karbɪa tə yɪrɪ, á yana pupwən wa. Kɪ m̀ù yɪrɪ nə, Yɪ-
*Siŋu tə, kɪ nə jə dun tə, wulə də aba. 15 Á liù
mama kə cígá, ɸ d̀àn ká dé c̀àn, ɸ nə yɪ lagɔrɔ
yɪrɪ, nə à ỳé, ɸ nə yɪ ŋwìàn yɪrɪ, nə à ỳé, ɸ nə
yɪ cɔnɔ yɪrɪ, nə à ỳé, ɸ nə kənə ɸ nii, lià ỳèn
wa yɪrɪ. 16 Yá ɸ d̀àn nə dí c̀àn, ɸ nə yɪ Kərisə liù
yɪrɪ, ɸ d̀àn ká pa kɪ cavɪra ja wá. U mɛ, sə ɸ pa
dun Yɪ nə, ɸ nə jə Kərisə yɪrɪ tə yɪrɪ.

17 Mánjá yí, Yɪ nə wá b̀r̀r̀ lià b̀r̀r̀. U wá dí
yáá, ɸ b̀r̀r̀ ɸ tətə lià tə b̀r̀r̀. Aa! Nə yɪ ɸ lià,
yá ɸ wá dé yáá ɸ b̀r̀r̀ nə tətə b̀r̀r̀. Kɪ d̀àn wá
ya nətə, kɪ pa lià tə nə, ba nə vɪga, sə ba zilì ɸ
suywánjù tə? 18 Kɪ p̀p̀ǹ Yɪ sagɪ tə wa, kɪ ẁ:
«Də kɪ nə yɪ c̀àn, kɪ pa liù tə nə yɪ cígá tíú nə,
sə ɸ nan Yɪ b̀r̀r̀ tə jɪn wa, kɪ d̀àn wá ya nətə,
kɪ pa liù tə nə, ɸ nə tun tutunkɔkwɪnan Yɪ nə
ba p̀à, də cɔna liù nə?» 19 Kɪ m̀ù tə yɪrɪ, lià tə,
ba nə dé c̀àn Yɪ fɪra tə yɪrɪ, sə kɪ t̀àn tə fwa
zəni wuu. Sə ba t̀ ba t̀àn mama ba kə Yɪ jɪn
wa. U m̀ù Yɪ nə fwa ba, ɸ ga yɪ p̀é nədɔ tíú.

5

Kərisə lià p̀lí yoo

*(Tɔtɔnan 20.28; 1 Timote 3.1-7; Zwakə 4.6, 10;
1 Tesalonikə t̀àn 5.6-8; Efɛzə t̀àn 6.10-18)*

1 Síún nə, à sẁn *Kərisə lià p̀lí yáá t̀àn tə
con, ba nə wulə á pwərə wa. À də tətə yɪ yáá tíú
don, ndə ba nə. À nɪ Zwezi-Kərisə, mánjá tə wa,
À də wá twá, à ya Zwezi-Kərisə dun tə wa, Yɪ
nə wá bɪrɪ. 2 Á ywànjá Yɪ lià tə yuu, Yɪ nə pɪn

aba, sè á ywàń ba yuu, ndə payıra nə ywàńá pee yuu nətʋ. Á dānà ká fwa kʋ ndə, kʋ yɪ ba kálí aba. Á ywàńá ba yuu də á waa mama, ndə Yɪ nə pìà, sè kʋ ya nətʋ. Á dānà ká fwa kʋ, ba nə wá ŋwín aba yɪrɪ. Á fwa kʋ də yanɔwɪa. ³ Á pɪan á ya là, ba duən tə nə twá á nə, ba lwarɪ nətʋ, ba nə mɛ, sè ba ya. Yɪ pɪn là tə, sè á ywàń ba yuu. Á dānà ká dé diàn ba yuu wa. ⁴ Zwezi-Kərisə yɪ ndə payıra yuu tíú nə. Á nə fwa nətʋ, dɪn tə, ʋ nə wá bà, ʋ bɪrɪ ʋ tìàn, á wá na dun yupuu tə, kʋ zəni nə ba zwèe.

⁵ Á mù ləzwəndʋn-ba, á sàá yáá tìàn tə nii. Á mama muɲə á tìàn duən yáá con. Kʋ púpúní Yɪ sagɪ tə wa, kʋ wú:

«Yɪ zɪga fwìə là nə, yá ʋ fwa pubwanʋ là tə yɪra, ba nə muɲə ba tìàn».

⁶ Kʋ mù yɪrɪ nə, á muɲə á tìàn ʋ yáá con, sè ʋ mù nə zìn aba yɪ nə, máńá tə wa, ʋ nə lɪ ʋ tún. Yɪ jə diàn tə mɛ yuu wa. ⁷ ʋ mù nə ywàńá á yuu nə. Á kənə yìèn tə mama, tə nə wɔwəlɪ aba, ʋ jɪn wa.

⁸ Á cɪa á tìàn nə, sè á ya là tə, á nə yèé yoo dèń. Á dānà ká dʋèe. *Sɪtana yɪ á dɔŋʋ. ʋ yɪ ndə gəru nə, kʋ baa, kʋ kɪkarɪ, kʋ ga pìà liù, sè kʋ dé. ⁹ Á kənə á waa Zwezi nə wuuu, sè á zɪgɪ diàn, á ta Sɪtana. Á dāń ga yèé də, là tə duən, tə ba nə yɪ á nubɪa Kərisə yɪrɪ, ba nə wulə lʋb bwálí mama, də na càn, ndə á də nə.

¹⁰ Yɪ dāń nə fwa pubwanʋ á yɪra. ʋ twá də Zwezi-Kərisə, ʋ kúrɪ aba, sè á ya ʋ dun tə wa,

tə nə ba zwèe. Á wá dé càn mánjá mancun. Ku kwa nə, Yı tətə wá kwɛn aba ɔ zıɣı. Ʈ wá pa á zıɣı dı̀àn á ma twá Zwezi-Kərisə nə, á ga wá dən á jı̀àn. Yá won kúvə ba wàní, ku pa á pı́ı́ á kə á kwa. ¹¹ Ʈ mù nə jə dı̀àn, mánjá də mánjá, ku nə ba zwe. Amı́na!

Sagı tə yígúré sòrán

(1 Tesalonikə tı́án 5.23-28)

¹² Siləven yı nə nubiu *Kərisə yırı, ɔ nə twá ɔ nə də pùé nəvə. Yá à dən twá ɔ nə, à ma púpúnı́ sagıbiə ku tə á nə. À púpúnı́ á nə, sə à ma kwè aba, à ga bırı aba Yı pubwanv tə nə yı nətv, ku pa aba, cígá mama. Á dı́ga á tı́àn á pa Yı pubwanv tətə nə. ¹³ Kərisə lı̀à púlı́ tə, ku nə wulə Babılɔnə nə tə, jònı́ aba. Ba yı lı̀à tə, Yı nə kúrí, ndə á də nə. À bıú Marəkə də jònı́ aba. ¹⁴ Á jònà duən də zılé zənzən də sonu, ndə Kərisə lı̀à nə mə, sə ba fwa nətv.

Yı wá pa bıcan sıé á mù lı̀à tə mama nə, á mù də Zwezi-Kərisə nə vwə duən nə.

Yu soywánó sagı
Nuni, Southern: Yu soywánó sagı New Testament
Le Nouveau Testament en Nun

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

d18530a7-7259-5f23-92b6-70e3abe5f3fa